

Təkəŋwanə ŋga ləkələkətə ŋga Bulusə ka ənji Teesaloonika

¹ Wiinə ləkələkətə ca dzə koonə, Ikəliisiya ŋga Teesaloonika, dəcii inə Bulusə da Silasə da Timooti. Agi nəhəpaanə niinə tuunə, ənji ŋga Əntaŋfə Dəsənaamə da Slandanə Yeesu *Aləmasiihu. Wa Əntaŋfə a dfa koonə pwapoonə, ca vii koonə ndzaanə jamə. *

Vii gooŋga ŋga ənji Teesaloonika da ndzaanatii

² Taa guci patə agi kuyiriinə niinə tə Əntaŋfə ka putə goonə patə, ina buurətə tuunə agi də'wa taa guci patə əsə.

³ Agi buurətənə niinə tuunə makə sətə cuuna dzə aakəŋwa də slənə putə ŋga vii gooŋga goonə ka Yeesu Aləmasiihu Slandanaamə, da makə sətə cuuna ciŋə putə ŋga uudənə tə ci. Agi buurətənə niinə əsə makə sətə kəŋaanuunə ka gəranə tə ci, ina kavə tuunə aakəŋwəcii Əntaŋfə Dəsənaamə.

⁴ Ndzəkəŋushi'ina, kə shii inə, kə uu'i Əntaŋfə tuunə, kə ta'i ci tuunə koonə ndzaa ka ənjaakii əsə.

⁵ Acii, ma saa'itə jigunyiinə koonə Njunyi Habara, mandzaamə ci wata də ba ma tanə,

* **1:1 1.1** Silasə: 2 Koor. 1.19; 2 Tees. 1.1; 1 Piita 5.12; Timooti: 1 Koor. 4.17; Teesaloonika: Slənə 17.1. **1:2 1.2-3** 2.13; Fil. 1.3; Kwal. 1.3; 2 Tees. 1.3; 2.13. **1:3 1.3** 5.1-2. **1:4 1.4** 2 Tees. 2.13,16.

amma dē ngeerənə da tsakənə n̄ga Malaaba Ma'yanə. Də ci kəŋaanə inə ka wabənə dē goon̄gaanə. Kə shii unə ndzaanə geenə saa'itə inə ahadoonə. Ma ndzaa inə ha'ə, ka puta goonə.

⁶ Unə əsa, kə nyi'u unə dərəpə geenə da n̄ga Slandana. Taa n̄gahi kə upaa cibə tuunə ka shaŋə, kə liwuunə wabənəkii dē moodfasəka n̄ga Malaaba Ma'yanə.

⁷ Ha'ə ndzaa unə ka sə n̄ga dzəgunənə ka ənji nə'unə patə anə hanyinə n̄ga Makiduuniya da Akaya.

⁸ Dagoonə ma'ya wabənə agyanə Slandana. Əntaa wata agyanə hanyinə n̄ga Makiduuniya da Akaya tanə, amma kə shii ənji vii goon̄ga goonə ka əntaŋfə taa dama patə. Acii ha'ə, pooshi nafa n̄ga d̄a wabənə ka ənji agyanəkii ma'ə.

⁹ Acii agi dazənə nə tii dē matii makə sətə liwuunə mu'umuunə geenə saa'itə giinə aa hoonə. Təya dazə dē matii əsə makə sətə bwasee unə ka uuləminə, una zhi'wagi aabii əntaŋfə əndə vii əpinə, əndə goon̄ga, una gərə'u ka ci.

¹⁰ Agi dazənə nə tii makə sətə cuuna gəra ənyanə n̄ga Uzənaakii dadagyə, waatoo, Yeesu. Ma ca, kə madee əntaŋfə ka ci agi maməətə ənja, ca luupaa taamə acii mabətəsəkə n̄ga əntaŋfə ətə na shi aakəŋwa.

1:5 1.5 1 Koor. 4.20. **1:6 1.6** Slənə 17.5-9; 2 Koor. 6.10; 2 Tees. 3.7,9. **1:8 1.8** Rooma 1.8. **1:9 1.9** Yooh. 17.3; Slənə 14.15. **1:10 1.10** 5.1-2,9; Rooma 5.9.

2

Slənə nga Bulusə də Teesaloonika

¹ Ndžəkəŋushi'ina, kə shii unə də noonə nə oo'i, ma dzənə geenə aa hoonə, mandzaamə ka zaarənə zaβə.

² Kə shii unə, kə cibee ənji keenə də Filipi, təya dzaanapaa tiinə taabu'u mbu'iinə aa hoonə. Amma, taa ŋgahi kə mwayi ənji təŋapaanə tiinə ka shaŋə, patə da ha'ə dagi tsakənə ŋga Əntaŋfə gaamə kə waazii inə koonə Njunyi Habaraakii yadə ŋgwalənə.

³ Ma waazanə geenə, əntaa jirakənə taa bwaya hiima. Maɖamiinə jarəwiinə agyanə ənji əsə.

⁴ Amma kə yarədii Əntaŋfə tiinə, ca ba'avə waaza Njunyi Habara aacii inə; ha'ə wabiinə makə sətə ba'avə ci aacii inə əsə. Ma'aləmiinə kafeesəkənə geenə ka ənja, amma kafeesəkənə geenə ka Əntaŋfə. Acii ci shii ədzəmiinə.

⁵ Kə shii unə, mawabəmiinə koonə mandikə ndikə wabənə, mawaazamiinə koonə Njunyi Habara əsə keena shii upaa də uushi acii unə. Əntaŋfə nə seedanə tiinə.

⁶ Ma'aləmiinə dələnə ŋga ənji diinə, taa acii unə, taa acii hara ənji pəmə.

⁷ Makə dīi ci masləkee ənji ŋga Aləmasiihu niinə, kadə kə βaarii inə koonə gawuunə geenə. Amma maɖamiinə ha'ə. Kə ndzaa inə da haŋkala ahadoonə, makə sətə ci mənə a ndzaanə ahada manjeevənatə.

2:1 2.1 1.5,9. **2:2 2.2** Slənə 16.19-24; 17.1-9. **2:3 2.3** 2 Koor. 4.2. **2:4 2.4** Irim. 11.20; 1 Tim. 1.11; Gal. 1.10; Af. 3.2. **2:5 2.5** 2.10; Slənə 20.33; 2 Koor. 1.23. **2:6 2.6** Yooh. 5.41,44.

⁸ Kə uu'iinə tuunə laŋə. Matasəkakii niinə, əntaa wata ka waaza koonə Njunyi Habara ŋga Əntaŋfə tanə, amma ka vəgi əpinə geenə ka putə goonə. Laŋə uu'iinə tuunə dərəva.

⁹ Ndzəkəŋushi'ina, agi buurətənə nuunə cibə geenə agi mandalə sləna. Ma saa'itə waazii inə koonə Njunyi Habara, kə slənyiinə vədə da uusera keena upaa də zəma aa meenə, acii geena ndzaa ka tərənə agyanə taa wu ahadoonə.

¹⁰ Kə nee unə də ginuunə. Əntaŋfə nə seedanə tiinə əsə oo'i, ha'ə njiinə ahadoonə, unə ənji nə'unə: makətsə ənji njiinə, ənji slənə uushi də rəgwakii njiinə. Mashimə ənjə a idəpaa bwaya uushi ašhiinə.

¹¹ Acii kə shii unə, kə slənyiinə koonə də rəŋwə rəŋwə patə, makə sətə ci dənə a slənə ka manjeevənaakii.

¹² Waatoo, kə ndzaa inə ka vii koonə ŋgeerənə, ina banee ka ədzəmuunə, ina dzəkWatə koonə əsə koonə slənə sətə kadeesəkə ka Əntaŋfə. Ci 'wii tuunə koonə ndzaanə agi ŋwanjuunaakii, una shii dūunuunaakii.

¹³ Agi kuyiriinə niinə tə Əntaŋfə aanəkii aanəkii. Acii, ma saa'itə waazii inə koonə wabənaakii, maluumuunə makə wabənə ŋga əndə saakii, amma, makə sətə ci ənjə a luu wabənə ŋga Əntaŋfə liwuunə; ndilə ndilə wabənaakii liwuunə. Wabənəkii ca slənə asəkə ədzəmuunə əsə, unə ənji nə'unə.

2:9 2.9 2 Tees. 3.7-9; Slənə 18.3. **2:10 2.10** 2.5. **2:11 2.11**
 Slənə 20.31. **2:12 2.12** 4.1; Rooma 5.2; Fil. 1.27. **2:13 2.13**
 1.2-3; Gal. 1.11-12.

¹⁴ Ndzəkəŋushi'ina, ma sətə kullii agyanə Ikəliisiyanyinə nga Əntəŋfə anə hanyinə nga Yahudiya, waatoo agyanə ənji nə'unə tə Yeesu Aləmasiihu, tsarəkii kullii agyanuunə əsə. Acii kə sii unə ŋgərə'wə acii ənji goonə makə sətə sii tii ŋgərə'wə acii slikərənətii Yahudiinə əsə.

¹⁵ Tii bələgi tə Yeesu Slandana da anabiinə, təya lyakagi tiinə, təya biipaa səkə ka Əntəŋfə, kə ndzaa tii ka ənji mbəzə nga ənji patə.

¹⁶ Agi ciŋənə nə tii ka təŋaginə tiinə acii geena waazii wabənə nga Əntəŋfə ka hara slikərənə kaa təya upaa luupaanə. Də ha'ə uudəgi tii ashi slənə 'waslyakəənətii. Amma tə'i mandalə gəŋwanə nga Əntəŋfə anətii.

Moonə nga Bulusə tə dzənə ka tsaamətənə tə ənji Teesaloonika

¹⁷ Ndzəkəŋushi'ina, kə təkəgyaamə nga magusə saa'i. Maneemaamə ka naamə na. Amma ka hakii naamə asəkə ədzəmaamə. Kə kəshi madəfənə tiinə laŋə nga neenə koonə. Acii kii ndzaa inə ka alə rəgwa nga ənənə ka caamatənə tuunə.

¹⁸ Kə mwayi inə ənənə aa hoonə. Nyi Bulusə, kə ali nyi rəgwakii ka pu'u ka pu'u, amma kə təŋagi *Seetanə tiinə.

¹⁹ Ma tanya, unə ndzaa ka sə nga vii keenə ŋgeerənə da moodasəka, unə ndzaa ka sə nga yidə geenə saa'itə nə Yeesu Slandanə a ənya.

2:14 2.14 Slənə 17.5. **2:15 2.15** Slənə 2.23; 9.23,29; 13.45,50; 14.2,5,19; 17.5,13; Rooma 11.28; 2 Koor. 11.23-29. **2:16 2.16** Mat. 23.31-33. **2:17 2.17** 3.10. **2:19 2.19-20** 1 Koor. 9.24-25; Fil. 4.1; 2 Tees. 1.4.

²⁰ Ha'ə tanyi, unə nə məghərəvənə geenə, unə nə moodasəkə geenə əsə.

3

¹ Acii ha'ə, makə mambeemiinə ka sə'watənə ma'ə, wata ina anətə wabənə geenə ka ma rəŋwə, ina ndzaa inə daaniinə də Ateena.

² Ina sləkee koonə ka ndzəkəŋushi'inaamə Timooti. Ma ca, əndə slənə ŋga Əntaŋfə nə ci, agi slənənə nə ci deenə agi waaza Njunyi Habara ŋga Aləmasiihu. Ma sləkee inə ka ci, kaa ca dzə ka tsakə koonə ŋgeerənə, ca tsakə kəŋee koonə ka rəgwa agi vii gooŋga goonə, *

³ acii ga taa rəŋwə agyuunə a ənyi aa ba'a putə ŋga ŋgəra'utsə cuuna sa. Kə shii unə də noonə nə oo'i, taa wu patə ca slənə ka Əntaŋfə, ka sanə nə ci ŋgəra'wa.

⁴ Ndilə ndilə ma amə ma'ə ka hakii, kə njiinə a ba koonə oo'i, kadə naama sa ŋgəra'wa. Kə nee unə, kə d̄ii ha'ə weewee tanyi.

⁵ Yoo, makə mambeemə nyi ka sə'watənə, ci nee unə sləkee nyi ka Timooti aabii unə, kaa ca caamatə taa iitə cuuna dzə aakəŋwa də vii gooŋga goonə. Mabaamə ma'yanəki. Ma nə nyi ka nəhənə, mbu'u kə upaa Seetanə kulapaanə duunə; slənə geenə əsə, ca ndzaa ka uushi zabə ahadoonə.

⁶ Amma kə ənya Timooti əndzə'i, kə kira ci keenə ŋunyi habara agyanə vii gooŋga goonə da uudəshinə goonə. Kə bii ci keenə makə

3:1 3.1 Slənə 17.15. * **3:2 3.2** Timooti: 1.1. **3:3 3.3** Af. 3.13; 2 Tees. 1.4; 2 Tim. 3.12. **3:4 3.4** Slənə 14.22. **3:5 3.5** Fil. 2.16.

sətə cuuna buurətə tiinə taa guci patə, kə kəshi madəfənə nga nee ka giniinə tuunə makə sətə kəshi tiinə əsə.

⁷ Acii ha'ə, ndzəkəŋushi'ina, taa dagi cibə da ŋgəra'ukii ha'ə, kə upaa inə ŋgeerənə putə nga vii goonja goonə.

⁸ Manə ha'ə dīya, makə kə shii inə kə kəŋaanuunə ndihə ndihə ləbə da Slandana, kə baa ma'yaniinə ha'ə.

⁹ Yoo, ka mbeenə niinə ka kuyiriinə tə Əntanfə gaamə koonə ka shanə. Agi kuyiriinə niinə tə ci nga moodasəkənə dīi inə puta goonə.

¹⁰ Vədə da uusəra niinə ka dā də'wa, pooshi əpisəka, kaa Əntanfə a ənə ka wunəgi keenə rəgwa nga neenə koonə ginə da ginə, keena dzəgunə koonə sətə mbədaanə agi vii goonja goonə, una shii ŋga'ə.

¹¹ Wa Əntanfə Dəsənaamə də naakii nə da Slandanaamə Yeesu a wunəgi keenə rəgwa, keena dzə aabii unə.

¹² Wa Slandanə a tsakə koonə uudəshinə da uudə hara ənji aakəŋwə aakəŋwa. Wa uudənəkii a ndzaanə makə tsarə uudəətə uu'iinə tuunə.

¹³ Də ha'ə nə uudənəkii a tsakə vii koonə ŋgeerənə a ədzəmuunə, acii goona ndzaa ka sə ŋga idəpaanə, amma koona ndzaa malaabakii akəŋwacii Əntanfə Dəsənaamə saa'itə nə Yeesu Slandanə a shi da malaaba ənjaakii patə.

3:6 3.6 Slənə 18.5; 2 Tees. 1.3; 1 Tim. 1.5; Filim. 5-7; Gal. 5.6.

3:7 3.7 2 Tees. 1.4. **3:10 3.10** 2.17. **3:12 3.12** Gal. 6.10.

3:13 3.13 5.1-2; Fil. 1.10.

4

Ndzaanə makə sətə kadeesəkə ka Əntanƒə

¹ Wiinə səndə ciina uudəpaagi koonə dīi, ndzəkəŋushi'inə: kə jigunyiinə koonə makə sətə ci əŋji nə'unə a ndzaanə, təya kadeesəkə ka Əntanƒə. Agi nə'utənə nuunə ha'ə əsə. Yoo, agi kədiinə niinə acii unə də dza ciinə də ləmə ŋga Yeesu Slandana, koonə tsakə dzəginə aakəŋwa aakəŋwa.

² Ma sətə jigunyiinə koonə də baawəda ŋga Yeesu Slandanə, kə shii unə patə.

³ Ma mwayi Əntanƒə, a ndzaa unə malaabakii, goona aləhiinə.

⁴ Taa wu patə agyuunə, wa ca gwaləgi shishinəkii, ca ndzaa malaabakii, da ayinaakii əsə,

⁵ ga ca kəsə minaakii də gi suuna makə ŋga əŋjitə mashiimə tə Əntanƒə.

⁶ Ga əndə a bəzee ka səkə ŋga ndzəkəŋuci agi haalatə bii inə koonə patə. Kə dzəkwatiinə koonə banə oo'i, kadə nə gəŋwanə ŋga Əntanƒə a kula aanə əŋji slənə tsarə uushi'iitsa.

⁷ Acii ma'wamə Əntanƒə taamə kaama ndzaanə ma'ajjinəkii, amma kaama ndzaanə malaabakii akəŋwaciikii.

⁸ Taa wu kaaree ka dzəgunəətsa, əntaa wabənə ŋga əndə kaaree ci, amma ŋga Əntanƒə. Ci ca vii koonə Malaaba Ma'yanaakii.

⁹ Ma agyanə uudə ndzəkəŋushi'inə, pooshi difə ina ənə ka naahənə koonə agyanəkii, acii

4:1 4.1 2.13; Kwal. 1.10; 2 Tees. 3.6. **4:3 4.3** 5.23; 1 Koor. 6.13; 1bər. 10.10. **4:7 4.7** 4.3; 1 Piita 1.15-16. **4:8 4.8** 1 Koor. 6.19-20.

unə də noonə na, kə dzəgunəgi Əntanʃə koonə makə sətə cuuna uufəshi.

¹⁰ Tanyi, agi uufənə nuunə ndzəkəŋushi'inə anə hanyinə ŋga Makiduuniya patə. Dəŋə əndzə'i waniinə agi banə koonə, tsakəmə dzəginə aakəŋwə aakəŋwa də uufənəkii.

¹¹ Damə gazhi'waanə ŋga ndzaanə ŋga'ə ahadoonə, goona səkəpaanə ka kaala moonə aagi uushi'inə ŋga ənja, amma slənəmə noonə sləna koonə upaa zəma aa moonə, makə sətə bii inə koonə.

¹² Madə kə nə'utuunə ha'ə, ka dənə nə ndzaanə goonə ŋga'ə ka ənjitə ca tsaamə tuunə, pooshi una ka ndzaanə ka tərənə anə taa wu patə əsə.

Shinə ŋga Slandana

¹³ Ndzəkəŋushi'ina, kə mwayi inə una shii sətə slənyi tə ənjitə məətəgi, acii goona ndzaa ka mabətəsəka, makə ŋga ənjitə makamə nə ka upaa əpinə daba'a əntənə.

¹⁴ Kə vii amə gooŋga oo'i, kə əŋki Yeesu, kə ma'i ci agi maməətə ənji əsə. Aciikii kə shii amə weewee, ma ənji vii gooŋga ka Yeesu ətə məətəgi, ka madəenə nə Əntanʃə ka tii, ca fədə tə tii, təya ndzaa ka hakii da Yeesu.

¹⁵ Ma ka wabənə ŋga Slandana, waniinə ca ba koonə: ma saa'itə ənyanəkii, maa amə ma'ə

4:9 4.9 Irim. 31.33-34; Gal. 6.10; Af. 5.2. **4:10 4.10** 2 Tees. 3.4. **4:11 4.11** 2.9; Af. 4.28; 2 Tees. 3.10,12. **4:12 4.12** 1 Koor. 5.12-13; Kwal. 4.5. **4:13 4.13-17** 5.1-2; 1 Koor. 15.51-52. **4:13 4.13** 1 Koor. 15.18-19; Af. 2.12. **4:14 4.14** Rooma 14.9; 1 Koor. 15.3-4,12,20.

ka əpinə, paa amə na takəŋwa ka maɖənə ka maməətə ənja.

¹⁶ Ma uusərakii, kadə kapaanə nə Əntaŋfə rəgwa, wata gawə ŋga malaa'ikanyinə a wazə, ənjə a fa muunə ŋga uutəma ŋga Əntaŋfə. Wata Slandanə ci saakii a jiga dadagyə. Ma ənjitə vii ka ci gooŋga ətə məətəgi, tii na takəŋwa ka maɖənə.

¹⁷ Ma daba'əkii, ma amə ənə ca əpi ma'ə, Əntaŋfə a fəɖətə taamə da tii dagi kurabiinə, ama guŋə da Slandanə asəkəntaŋfə. Ha'ə ndza-anaamə da Slandanə ka ca'ə ndəŋwə ndəŋwə.

¹⁸ Makə dii ha'ə, ŋgərəmə wabəətsa, wabəgimə ahadoonə kaa ca vii koonə ŋgeerənə, una ndzaa də mabanee ma'yanə.

5

¹ Ndzəkəŋushi'ina, ma agyanə saa'i da uusəra ŋga mbu'yanə ŋga uushi'iitsa, pooshi nafa ŋga ənənə ka naahənə koonə agyanəkii ma'ə.

² Acii unə də noonə nə, kə shii unə, habəsə nə uusəra ŋga Slandanə a shi, makə sətə ci mahərə a shi davəɖə. *

³ Ma saa'ita, ənjə a ba, “Jamə nə vəranə taa dama patə, pooshi uushi ca uree kaamə”. Saa'ikii nə zanə a kulyaanə ka tii həma'ə makə sətə ci bərakənə a shi ka mitə ɖasəka. Pooshi ha ŋga huyinə.

4:15 4.15 1 Koor. 7.10,25. **4:16 4.16** 1 Koor. 15.23. **4:17 4.17** Yooh. 12.26; Rooma 5.17; Fil. 3.20. * **5:2 5.2** 1.2-3,10; 2.19; 3.13; 5.23; Mat. 24.36; Fil. 4.5; 2 Tees. 1.7,10; 2.1-2; habəsə makə mahərə: Mat. 24.43; 2 Piita 3.10; Səniinə 3.3; 16.15. **5:3 5.3** Irim. 6.14-15; Mat. 24.39.

⁴ Ma unə, ndzəkəŋushi'inə, əntaa təkū təkunə nuunə agi haalakii, kaa uusərakii a shi ka lapaanə tuunə habəsə makə mahəra.

⁵ Unə patə, ənji ŋga bərənə da uusəra nuunə. Əntaa ənji ŋga vədə da təkunə naamə.

⁶ Acii ha'ə, gaama tsəfə ŋunyinə makə ŋga hara ənja. Amma ndzaamə ryahu ryahu də məgigi, ama ndzaa ka matsə ənja.

⁷ Acii, ma ənjitə ca tsəfə ŋunyinə, davədə ci təya tsəfə. Ma ənjitə ci ənvwə a ka tə tii anətii əsə, davədə ca ka tə tii.

⁸ Amma, makə ənji ŋga bərənə naamə, ndzaa amə matsəkii. A dzaamə aakəŋwa də vii gooŋga da uufəshinə. Maa kə dīi amə ha'ə, ka ndzaanə nə ci makə sətə ci əndə a ŋgavə kəjeerə tibisa ka dzəginə ka panə, acii ga ava a upaa tə ci. Kaamə nə ka luupaanə ŋga Əntaŋfə taamə. Maa kə dīi amə ha'ə əsə, ka ndzaanə nə ci makə sətə ci əndə a ŋgavə dara ila.

⁹ Ma'wamə Əntaŋfə taamə ka bəzə kaamə səka, ca zamagi daamə, amma kə 'wii ci taamə kaama upaa luupaanə daciai Slandanaamə Yeesu Aləmasiihu.

¹⁰ Ma ca, kə əŋki ci ka putə gaamə, kaama shii ndzaanə da ci. Taa amə ma'ə da i əpinə, taa amə kə mətəgi, maa kə shi ci, ka ndzaanə naamə da ci.

¹¹ Acii ha'ə, dzəmə də viishi ŋgeerənə ahadoonə də wabəətsa, una dzə də tsakəshinə makə sətə cuuna slənə əndzə'i.

Muudine nga wabəne

¹² Ndzəkəŋushi'ina, agi kədiinə niinə acii unə koonə vii dūunuunə ka ənjitə ca slənə ahadoonə, waatoo matakəŋwanyinə goonə, acii kə kapaa Slandanə tə tii ka takəŋwanə koonə da dzəgunə koonə wabənaakii.

¹³ Gadeemə ka tii, una uudə tə tii laŋə putə nga slənati ahadoonə. Ndzaamə nga'ə ahadoonə əsə.

¹⁴ Ndzəkəŋushi'ina, agi banə niinə koonə əsə: wabəmə ka manya'inə, wa təya slənə. Baneemə ka ma'yanə nga ənji mabuurə na, una tsakə tə matə ŋgeerənə, una sə'watə ndzaanə da ənji patə.

¹⁵ Damə haŋkala acii madə dīi əndə ka əndə bwaya bwayaanə, ga ca ənəpaagi ka ci də bwaya bwayaanə. Amma, wa ca ndzaa ka slənə goonə taa guci patə nə də nga'aanə ahadoonə da ka ənji patə.

¹⁶ Ndzaamə ka moodasəkə taa guci patə.

¹⁷ Dzəmə aakəŋwa də də də'wa ka Əntaŋfə yadə əpisəka.

¹⁸ Taa agi mi patə, kuyiriimə tə ci. Acii tsarəkii nə ci ka moonə acii unə, unə ənə libə da Yeesu Aləmasiihu.

¹⁹ Goona təŋagi slənə nga Malaaba Ma'yanə.

²⁰ Goona bərapaa wabənə nga ənjitə ci Əntaŋfə a wabə da matii.

5:12 5.12 1 Koor. 16.15-18; 1 Tim. 5.17. **5:14 5.14** 2 Tees. 3.6,11,15. **5:15 5.15** Rooma 12.17; Fil. 1.10. **5:16 5.16** Fil. 4.4. **5:17 5.17** 5.25; Luka 18.1; Rooma 12.12; Af. 6.18; Kwal. 4.2. **5:18 5.18** Af. 5.19-20. **5:19 5.19** Af. 4.30.

²¹ Təkətəmə taa ɲgutə uushi patə, una kəsətə ɲunyikii tənə tənə.

²² Taa tsarə ɲga ɲgutə bwaya bwayaanə patə, una bwasee əsə.

²³ Ma Əntaɲfə Əndə vii ndzaanə jamə, wa ca laabagi tuunə camə, ci saakii. Wa ca kapaa əpinə goonə da shishinuunə jamə, una ndzaa yadə idəpaa uushi ashuunə ca'ə uusəratə nə Slandanə Yeesu Aləmasiihu a ənya.

²⁴ Ma Əntaɲfə ətə 'wii tuunə, ka slənənə nə ci ha'ə makə ətsa, acii əndə nə'utə aləkawalə nə ci.

²⁵ Kədiimə acii Əntaɲfə ka putə geenə dīi ndzəkəɲushi'inə.

²⁶ Nəhəpaamə pu'u pu'u tə patənə ɲga əɲji nə'unə.

²⁷ Kə ləbətə nyi duunə da Slandana koonə janɲgatə ləkələkətənə ka patənə ɲga əɲji nə'unə.

²⁸ Wa Slandanaamə Yeesu Aləmasiihu a ɲa koonə pwapooaakii, ca ndzaanə doonə.

5:21 5.21 1 Koor. 14.29; Af. 5.10; 1 Yooh. 4.1. **5:23 5.23** 5.1-2; 2 Koor. 13.11. **5:24 5.24** 1 Koor. 1.8-9; Fil. 1.6; 2 Tees. 3.3. **5:25 5.25** 1.2-3; Rooma 15.30. **5:26 5.26** Rooma 16.16. **5:27 5.27** Kwal. 4.16.

Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 28 Dec 2024 from source
files dated 29 Jan 2022

56396c70-45d3-5118-be46-8c4c3fec34f1